



UNIVERSITÄTS-
BIBLIOTHEK
PADERBORN

Universitätsbibliothek Paderborn

Io. Francisci Leonis Eporediensis I. V. D. Episcopi Thelesini Thesaurus Fori Ecclesiastici

Leoni, Giovanni Francesco

Coloniae Agrippinae, 1682

43 Victualia, & alia necessaria, ne ad Romanam curiam adducantur
prohibentes, excommunicationis sententiam incurrunt.

urn:nbn:de:hbz:466:1-10316

Thes. cas. conscient. eodem lib. 3. cap. 10. numer. 1. & 2.

41 † Sub nomine autem falsatorum hoc casu comprehenduntur, qui radunt veterem scripturam. Qui aliquid novi scribunt in litteris prædictis, qui secant, lavant, radunt, aut conglutinant papirum ad falsificationem earum. Qui Bullam plumbeam de veris litteris extrahunt, aut litteris falsis illam affigunt; facientes Bullas sub plumbo falsas; artifices, seu fabri Bullarum, qui 43 illas alicui privato donant, aut vendunt, ad faciendas litteras falsas. Qui falsificant anulum Piscatoris, omnesque similia facientes, aut quorum auctoritate fiunt. Sayr. eodem c. 10. nu. 10.

Non tamen incurrunt hanc censuram falsificantes litteras congregationis Cardinalium Legatorum à latere, Nunciorum Apostolicorum, seu litteras Pænitentiarum, aut Episcoporum, Navar. in eodem cap. 27. nu. 62. Graff. dict. c. 18. num. 96. Tolet. eodem c. 22. vers. primum est, & Sayr. eodem c. 10. nu. 9 quia illa non sunt litteræ Papæ, & ex diversis non fit illatio, l. Papiianus exuli, ff. de minor. graves tamen pœnas juris incurrunt.

42 Septimò † dictam excommunicationem incurrunt deferentes arma, & alia usui bellico idonea ad infideles, & hæreticos in dānum Catholicæ religionis, & certiores illos facientes de rebus ad rempublicam Christianam pertinentibus, ut per eandem Bull. num. 7. Navar. dict. cap. 27. num. 63. Quæ enim personæ in hanc censuram incurrant, & quæ ad infideles deferri prohibeantur plene scripsit Card. Tolet. in eodem lib. instruct. sacerdot. c. 23. lib. 1. Hæc autem prohibitio est antiqua de jure Cæsareo, quo prædicta committentes gra-

ves pœnas incurrunt, ut l. cotem, ff. de publ. l. 1. C. quæ res export. non deb. & l. fin. C. de pœnit. Jure quoque canonico etiam ab antiquo fuerunt præmissa prohibita, ut in c. ita quorundam, c. quod olim, c. ad liberandum, de Iuda, & c. multa mentis, in extravag. com. eod. tit. Sed hæc excommunicatio antiqui erat juris, non autem Bull. Cœn. ut per Tolet. ubi supra c. 24. vers. tertio ministrantes.

43 Octavò † in eandem excommunicationem incurrunt, impediētes eos, qui victualia, & alia necessaria Romam convehunt, vel ne ad Romanam curiam adducantur, seu afferantur, prohibent, impediunt, aut perturbant, ut in eadem Bull. Cœn. Domini, num. 8. Navar. eodem c. 27. num. 64. Et hoc est sacrilegium, quo offenditur Sedes Apostolica in suis victualibus, & in aliis ad usum curiæ Romanæ necessariis, ut post Cajet. ver. excommunicatio, c. 19. tenet Sayr. in Thes. cas. consc. lib. 3. cap. 12. num. 2. tom. 1. Extenditur enim dicta excommunicatio ad omnes etiam, qui Pontificali, vel Regali dignitate, aut aliqua qualicumque ecclesiastica, vel seculari fulgeant, ut inquit, Card. Tolet. eodem lib. 1. cap. 25. vers. tertio eorum. Non tamen comprehendit eos, qui actiones supra expressas faciunt, nisi id attentent animo impediendi, ne hæc ad Romanam curiam adducantur. Unde, si Gubernator alicujus civitatis consulens patriæ utilitati, & abundantiæ prohiberet, ne quis extraheret de civitate, aut Provincia fruges, quanvis inde sequeretur, quod ad curiam Romanam deferri non possent, vel tempore, quo pestis in curia grassaretur, inhiberet suis, ne quis iret ad curiam hujusmodi periculo durante, domum reversurus; exspoliantes aliquos

assuoc pecuniis tantum, aut assassini officio utentes, vel ob particularem inimitiam impetentes aliquem deferentem virtualia, merces, & similia alicui particulari personæ ad vendendum, vel donandum, non incidunt in Bullam Cœnæ Domini, ut per Sayr. *eodem capit. 12. numer. 4.*

44 Nonò † incurrunt vexantes in curia Romana morantes, aut venientes ad eam, vel ab ea recedentes, seu eos aliorum opera interficientes, mutilantes, spoliantes, capientes, detinentes, ut per eandem Bull. num. 9. & de quibus per Navar. *eodem cap. 21. num. 65.* & nomine curiæ non intelligitur Roma, seu cives Romani, sed Sedes, & curia Apostolica; adeò ut oporteat, quòd personæ offensæ vadant ad Sedem Apostolicam, aut ab illa recedant, seu in curia morentur, ratione, & intuitu negotiorum in curia agendorum, ut per Cajet. *in verb. excommunicatio, c. 14.* Navar. *eodem nu. 65.* & Card. Toler. *in expositione ejusdem Bul. § 7. dub. 1.* Ad incurrendum autem dictam pœnam requiritur, quòd offensa sequatur in personam accedentem, vel commorantem in curia, seu ab ea recedentem negotiorum, & non alia de causa: nec incurrit, qui in rixa aliquem occidit, vel offendit, ut per Navar. *ubi supra* & Sayr. *eodem lib. 3. c. 13. num. 3.*

45 Appellatione enim morantium in curia, dicuntur curiales, qui ratione curiæ Pontificiæ Romæ sunt, vel alibi cum ipsa curia aliò migrante, sive mediatè, sive immediate Pontifici inserviant, sive sint cum Cardinalibus, vel Episcopis, qui adsunt curiæ. Vnde Romani cives, & alij, qui alij de causis Romæ sunt, non dicuntur morantes in curia, Cajet. *in verb. excom-*

municatio, & Tol. eodem lib. 1. cap. 25. vers. aliud dubium.

46 Decimò eandem † pœnam incurrunt vexantes Romipetas, seu peregrinos ad Urbem devotionis, seu peregrinationis causa accedentes, & in ea morantes, vel ab ipsa recedentes, & in his dantes auxilium, consilium, vel favorem, ut in ead. Bull. Cœn. Domini nu. 9. Tolet. *eod. c. 25. ver. excommunicatio decima, & Sayr. d. lib. 3. cap. 14. nu. 1. & 2.* Et ad dictam excommunicationem incurrendam, requiritur, ut offensus sit Romipeta, vel peregrinus, & accedat ad Urbem Romam, ad visitandam limina Apostolorum, non autem causa curiositatis, licet postea incidenter Apostolorum limina visitet: & quòd offendens probabiliter sciat, offensum tendere Romam causa devotionis, ut per Navar. *eod. cap. 27. n. 66.* & Grass. *decis. aur. cap. 18. nu. 114. par. 1. lib. 4. eandemque pœnam incurrunt offendentes stantes, vel redeantes.*

47 Quia † privilegium datum ad eundem, intelligitur datum etiam ad morandum, & redeundum. *cap. quia diversitatem in si. ext. de concess. prab. cap. statutum. §. profereudo. de rescrip. in. 6. & Grass. eod. n. 114.* Fuerunt enim etiam ab antiquo Romipetæ privilegiati, ita quòd illos offendentes excommunicationis sententia innovabantur, ut *cap. si quis Romipetas. 24. quest. 3.*

48 Undecimò, † offendentes sanctæ R. E. Cardinales, Sedis Apostolicæ legatos, Patriarchas, Archiepiscopos, Episcopos, Nuncios, aut eos à suis dicecesibus, territorijs, terris, seu dominij, ejicientes, eaque mandantes, vel rata habentes,